



In dumënia ai 05 de Jügn á la squadra da La Val scrit storia sciöche prüma squadra ladina da tres, che davagna la finala de Copa Provincia. La partida é stada en "crimi" sciöche an disc tl calcio. Do en svantaje de 2 a 0, é buna la squadra da La Val da recuperé, davagnan 3 a 2 al 122° menüt.

En gran spirit da combatimënt de düta la squadra y di tröc tifosi gnüs a ciarè á portè les beles copes tl païsc da La Val. La Val á mesü combater cun en grüm de partides, superan de bugn avversars sciöche Wiesen y Oberland, por rové tla finala de copa. Ala fin al paié la möia!!!! L travert (ruvé ti prüms 5 tl campionat) che le comité dl U.S. La Val á metü por la sajun 2010/2011 é gnü superé de cotan. **Cun le bun 4° post rajunt te campionat y CAMPIUNS DLA PROVINCIA, stlüsc jö La Val na buniscima sajun 2010/2011.**

La partida de finala cuntra Plaus á metü man dër mal por La Val. Bel dô püc menüc se ciafa La Val en gol, sön en angolo direto te porta. Le pal é ruvé tl incrocio lunch superan düta l'area, colpa magari é zigü ince stè en pü le vënt te chel mumënt, che á devié le pal tl incrocio. La Val ne é nia buna da fá jüch o aziuns prigoroses, an vëiga che i sogadusc da Plaus é na marcia en plü. Ai vëgn ite plü dürz ti contrasti y La Val se tëm en pü. A mesa le prüm tēmp ti garetel ciamò le secundo gol a Plaus. Sön na bela aziun é en centrocampist bun da fá en bel passaggio filtrante a en so atacant, che é bun da se infilé danter la difesa da La Val. Cun en tiro plan mo bel anglè él bun da superé Merch, le pal se infilëia dlungia le palo lunch ite. Chësc gol ti taia

les giames ai soagadusc da La Val. Le prüm tēmp se stlūsc jō sōn le 2 a 0 por Plaus. La Val mina che la partida é ruvida, mo danter la palsa tl prüm y secundo tēmp é le capitano Alex Alton y le manager Klaus Rubatscher che ti dá na scassada a dūta la squadra, cun parores che á fat efet.

La Val vá ite te campo cun en atra convinziun y mostra che ai crēi ciamò tla vitoria. (Tratan él ince ruvé sōn le campo l'alenatur Scalzini Marco, che ne á nia sciafié da gní por en impēgn personal). Ai é bugn da fá tres plü druch cuntra i avversars y insciö garetel a mesa le secundo tēmp le 2 a 1 por La Val. Sōn na bela poniziun de Sottara Werner röia Ploner Werner sōn le pal. Cun en bel colp de cé el bun da mēter le pal dlungia le palo ite. Chēsc gol ti da indô speranzas a La Val. Ai é bugn da sughé cun la pala basa cambian tröp le jüch da ũna na fascia ia dal atra. Na bela poniziun de Sottara Freddy röia püch dlungia l'incrocio ia. La Val sēnt che al vēgn le pareggio a mumēnc. Tl recupero dla partida ti garetel spo le 2 a 2 a La Val, che porta insciö les dōs squadre ai tēmps suplementars. Rubatscher Romeo é bun da superé en defensur sōn la fascia, en gran tiro röia sōn la traversa y spo le pal röia a mesa l'area. Alex Elzenbaumer é bun da tó al volo le pal y cun na gran cordinaziun fejel spo le 2 a 2. En gol che scinca i tēmps suplementars.

I cambi y la tattica de Micky Frenes y Klaus Rubatscher (cina che le alenadú é ruvé te campo) á porté sū früc!!!

Ti dui tēmps suplementars él püch jüch, an udô che dūc i sogadusc ê dēr stané. Florian Rubatscher éss ciamò albū la poscibilité da stlū jō la partida tl prüm tēmp suplementar. Al röia da sú cuntra le portiers, só bel palonetto röia de püch dlungia le palo ia. Mo al 122° mētl man la festa dl U.S. La Val. Na poniziun röia sōn le portier, al ne é nia bun da se tigní le pal tles mans, Franz Verginer é le plü scelto da ruvé sōn le pal y é bun da tra la pala te porta. Chēsc gol ti scinca la copa a La Val y l'artbiter sciūra la fin dla partida.

Dedô él ma plü gnü fat festa por la vitoria!!!!!!!

La formaziun titolara dla partida:



In cürt ciomò les sostituziuns dla partida:

al 60° Alex Elzenbaumer por Castlunger Marco

al 75° Sottara Stefan por Nagler Max

al 80° Tavella Thomas por Werner Ploner

Por ciarè ales foto dla paritda y dla festa drüca: [FOTO](#)